

JAVNA USTANOVA
«Služba za zapošljavanje Kantona Sarajevo»
SARAJEVO

**P R A V I L N I K
O I N F O R M I S A N J U**

Vrijedi od	19.06.2006. godine
Izdanje broj	1
Šifra dokumenta	JUSZZKS P 7.5.

KONTROLISAO
Direktor
s.r. Vahid Muharemović

ODOBRIO
Predsjednik Upravnog odbora
s.r. Azemina Čerimagić

Na osnovu člana 27.stav 1.alineja 6.Zakona o ustanovama («Službeni list R BiH», br.6/92,8/93 i 13/94) , te člana 16. i 43.Statuta Javne ustanove «Služba za zapošljavanje Kantona Sarajevo»Sarajevo(«Službene novine Kantona Sarajevo» br.4/05) Upravni odbor Javne ustanove na sjednici održanoj 19.06.2006. godine d o n o s i

P R A V I L N I K O I N F O R M I S A N J U

I Opšte odredbe

Član 1.

Ovaj Pravilnik sadrži odredbe kojima se uređuje informativna djelatnost Javne ustanove «Službe za zapošljavanje Kantona Sarajevo»Sarajevo,(u daljem tekstu: Služba za zapošljavanje).

II Načini informisanja

Član 2.

Informisanje i javnost rada Službe za zapošljavanje obezbjeđuje se :

- Objavljivanjem Statuta kao osnovnog općeg akta u Službenim novinama Kantona Sarajevo.
- Objavljivanjem drugih općih akata kojima se uređuju prava i obaveze lica za vrijeme privremene nezaposlenosti i prava i obaveze zaposlenika Službe za zapošljavanje u internim službenim glasilima.
- Objavljivanjem godišnjeg Izvještaja o radu i Programa rada u službenim glasilima .
- Dostavljanjem programa i izvještaja rada nadležnim organima i institucijama.
- Organizovanjem preskonferencija, intervjuja za predstavnike javnog informisanja i njihovim prisustvovanjem na sjednicama Upravnog odbora.
- Objavljivanjem informacija na WEB stranici Službe za zapošljavanje, digitalnim displejima i oglasnim pločama
- Na drugi način u skladu sa zakonom, Statutom i ovim pravilnikom.

Član 3.

Služba za zapošljavanje ima dva interna glasila : Statistički bilten i Informator .

Član 4.

Statistički bilten izlazi jedanput mjesečno i namjenjen je za informisanje javnosti o stanju nezaposlenosti odnosno zaposlenosti na području Kantona Sarajevo.

Član 5.

Informator je interno glasilo koje se objavljuje povremeno prema potrebi i sadrži informacije o aktuelnostima u radu Službe i prvenstevno je namjenjen za informisanje zaposlenika u Službi za zapošljavanje.

Član 6.

Sadržaj i politiku internih glasila Službe za zapošljavanje utvrđuje redakcioni odbor ,a sastaje se najmanje jedanput mjesečno .
Redakcioni odbor čine tri člana , koji se biraju iz reda stručnih zaposlenika.

Član 7.

Materijal za objavljivanje redakcionom odboru predlaže stručni saradnik koji je zadužen za uredništvo , u saradnji sa ostalim zaposlenicima.

III Pravo pristupa informacijama

Član 8.

Svako fizičko i pravno lice ima pravo pristupa informacijama koje su pod kontrolom Službe za zapošljavanje na način utvrđen Zakonom o slobodi pristupa informacijama u Federaciji BiH.

Član 9.

Pravo pristupa informacijama koje su pod kontrolom Službe za zapošljavanje može biti ograničeno samo na način i pod uvjetima utvrđenim Zakonom i ovim pravilnikom.

Član 10.

Svaka informacija koja se odnosi na pojedinca, a do koje dođe Služba za zapošljavanje u svom radu smatrat će se povjerljivom .
Povjerljiva informacija iz stava 1.ovog člana ne može se dati drugom fizičkom ili pravnom licu osim u slučajevima predviđenim zakonom.

Član 11.

Služba za zapošljavanje dužna je preduzeti sve mjere kako bi se osigurala sigurnost i zaštita dokumentacije koja sadrži informacije povjerljivog sadržaja.

Član 12.

Pravo pružanja informacija ima predsjednik i članovi Upravnog odbora i direktor Službe za zapošljavanje.

U izuzetnim slučajevima pravo pružanja informacija ima i zaposlenik koji je ovlašten za informisanje u granicama datog ovlaštenja od strane direktora Službe za zapošljavanje.

Član 13.

U slučaju davanja pogrešnih informacija, Služba za zapošljavanje je dužna objaviti ispravku na isti način kako je informacija i objavljena.

Član 14.

Saopštavanje informacija vrši se na jednom od jezika odnosno pisama u službenoj upotrebi u Federaciji Bosne i Hercegovine .

IV Prelazne odredbe

Član 16.

Ovaj pravilnik stupa na snagu narednog dana od dana donošenja od strane Upravnog odbora JU «Služba za zapošljavanje Kantona Sarajevo» Sarajevo .

Ba: 01-05-4512/06



**PREDSJEDNIK
UPRAVNOG ODBORA**
Azemina Cerimagić, dipl.ecc